



**KUVENDI I SHQIPËRISË**  
***Komisioni për Politikën e Jashtme***

**Tiranë më, 06.03.2019**

**Dokument parlamentar**

**RAPORT**  
**PËR PROJEKTLIGJIN**

**“PËR RATIFIKIMIN E MARRËVESHJES, NDËRMJET KËSHILLIT TË**  
**MINISTRAVE TË REPUBLIKËS SË SHQIPËRISË DHE QEVERISË SË**  
**REPUBLIKËS FEDERALE TË GJERMANISË, PËR BASHKËPUNIM FINANCIAR**  
**2017, PËR PROJEKTIN “PROGRAMI PËR RINOVIMIN E KONVIKTEVE NË**  
**KAMPUSIN UNIVERSITAR TË TIRANËS, SIPAS PARIMIT TË EFIÇENCËS**  
**ENERGJITIKE, FAZA III”**

- **Hyrje**

Komisioni për Politikën e Jashtme, në cilësinë e Komisionit për dhënie mendimi, në zbatim të neneve 32-38 të Rregullores së Kuvendit, shqyrtoi projektligjin “Për ratifikimin e marrëveshjes ndërmjet Këshillit të Ministrave të Republikës së Shqipërisë dhe Qeverisë së Republikës Federale të Gjermanisë, për bashkëpunim financiar 2017, për projektin “Programi për rinovimin e konvikteve në kampusin Universitar të Tiranës, sipas parimit të efijencës energjitike, faza III” në mbledhjen e datës 6 mars 2019.

Të pranishëm në mbledhjen e Komisionit për të prezantuar projektligjin dhe për t’u dhënë shpjegime pyetjeve të deputetëve ishin përfaqësues të ministrisë së infrastrukturës dhe energjisë.

- **Baza kushtetuese e projektligjit**

Projektligji i paraqitur për shqyrtim është propozuar nga Këshilli i Ministrave, sipas përcaktimeve të neneve 78, 83, pika 1, dhe 121 të Kushtetutës së Republikës së Shqipërisë dhe shoqërohet me relacionin përkatës sipas nenit 68 të Rregullores së Kuvendit.

- **Qëllimi dhe përmbajtja e projektligjit**

Qëllimi i projektligjit është ratifikimi i marrëveshjes ndërmjet Këshillit të Ministrave të Republikës së Shqipërisë dhe qeverisë së Republikës Federale të Gjermanisë, për bashkëpunim financiar 2017, për projektin “Programi për rinovimin e konvikteve në Kampusin Universitar të Tiranës, sipas parimit të efikasitetit energjetik, faza III”.

Me anë të kësaj marrëveshjeje të dyja qeveritë bien dakord për akordimin e një granti nga qeveria gjermane, me vlerën deri në 2 927 765.96 euro, financim i cili do të vihet në dispozicion nëpërmjet Kreditanstalt für Wiederaufbau (KfW). Disbursimi për fondet grant planifikohet të fillojë brenda vitit 2019.

Qëllimi i përgjithshëm i projektit është rehabilitimi i konvikteve të Universitetit të Tiranës, duke synuar kursime të ndjeshme të energjisë, kushte jetese të përshtatshme dhe kosto të arsyeshme akomodimi. Për këtë arsye, financimi që premton kjo marrëveshje i bashkohet qëllimit të programit për aplikimin e masave të efikasitetit të energjisë në godinat e konvikteve.

Në varësi të buxhetit në dispozicion, projekti do të përfshijë rehabilitimin e konvikteve nr.3, 14, 16, 17 dhe 18, sipas përcaktimeve në marrëveshjet financiare tashmë të dakordësuara me KfW, në lidhje me financimet në vlerat prej 4 500 000 eurosh (faza I) dhe 2 032 179.23 eurosh (faza II), si dhe, mundësisht, rehabilitimin e dy – katër godinave të tjera konviktesh.

Përveç rehabilitimit energjetik të ndërtesave, programi do të mbulojë në mënyrë të konsiderueshme kushtet themelore si: rinovimi i instalimeve sanitare, rinovimi i pajisjeve elektrike, sistemi i ngrohjes, ftohjes, ventilimit, prodhimit të ujit të ngrohtë sanitar, masat e sigurisë, lavanderi me operim monedhash, dhoma të përbashkëta studimi etj, në mënyrë që të përmirësohet jetesa dhe mjedisi i të mësuarit për studentët.

Financimi që premton kjo marrëveshje i bashkohet qëllimit të programit për aplikimin e masave të efikasitetit të energjisë në godinat e konvikteve me objektivat, si më poshtë:

- Auditimi energjetik i ndërtesave për të identifikuar konsumin e energjisë dhe masat përkatëse që duhen për të reduktuar konsumin e energjisë. Raporti i auditimit do të vlerësojë konsumin energjetik të ndërtesës para dhe pas rinovimit, si dhe do të propozojë masat për kursimin e energjisë.
- Identifikimi i nevojave të rinovimit të ndërtesave në lidhje me gjendjen aktuale të tyre për të zgjatur ciklin e jetës së ndërtesave;
- Identifikimi i masave të ndryshme të efikasitetit të energjisë që mund të aplikohet, si dhe llogaritja e kursimit të energjisë në secilën prej godinave, me qëllim përcaktimin e kriterëve dhe të masave të efikasitetit të energjisë me një kosto të lartë përfitimi. Kjo nënkupton vendosjen e një kostoje optimale për rinovimin e ndërtesës, në përputhje me kërkesat minimale të përcaktuara në ligjin nr.116/2016;
- Reduktimi i konsumit të përgjithshëm të energjisë së ndërtesave, duke synuar që treguesi i performancës së energjisë të jetë të paktën 75 kWh/m<sup>2</sup> në vit dhe të sigurojë përmirësimin e kushteve të jetesës së studentëve.

- Llogaritjen e reduktimit të karbonit si rezultat i masave dhe vendosjes në kushte të performancës së lartë (sipas synimit të mësipërm 75 këh/m<sup>2</sup>vit) dhe të standardeve të Bashkimit Evropian.

Projekti parashikohet të zgjasë nga 18-24 muaj.

Ky projekt do të zbatohet nga Ministria e Infrastrukturës dhe Energjisë, në bashkëpunim me Bashkinë e Tiranës dhe administratën e Rezidencës Studentore Universitare nr.1, Tiranë.

- **Diskutimi në komision**

Komisioni për Politikën e Jashtme e shqyrtoi këtë projektligj, në cilësinë e komisionit për dhënie mendimi, në mbledhjen e datës 6 mars 2019.

Të pranishëm në mbledhjen e Komisionit, për të shpjeguar nismën dhe për t'iu përgjigjur pyetjeve të deputetëve, ishin përfaqësues të përfaqësues të ministrisë së infrastrukturës dhe energjisë. Deputetët në komision pasi u informuan nga përfaqësuesit e ministrisë rreth projektligjit ndalën dhe diskutuan mbi numrin e godinave të rehabilituara deri më tani dhe pritshmëritë për vijimin e projektit. Deputetët kërkuar informacion lidhur me planifikimin buxhetor dhe përjashtimin e KfW-së nga taksat publike dhe detyrimet tatimore në Republikën e Shqipërisë. Anëtarët e Komisionit vlerësuan nismën e propozuar, kërkuar informacion mbi ecurinë e deritanishme të zbatimit të marrëveshjes dhe diskutuan lidhur me nevojën për përmbushjen e objektivave të këtij projekti.

**Në përfundim të diskutimeve,** Komisioni me votat e të gjithë anëtarëve të pranishëm e miratoi projektligjin në parim, nen për nen dhe në tërësi dhe u shpreh dakord për kalimin e tij për votim në seancë plenare.

**KRYETARE**

**MIMI KODHELI**